

**ՆՅՈՒԹԵՐ ԳՅՈՒԼԻՍՏԱՆԻ ՄԵԼԻՔՈՒԹՅԱՆ ՊԱՏՄՈՒԹՅԱՆ ՎԵՐԱԲԵՐՅԱԼ**

Գյուլիստանի մելիքությունը որոշակի դեր է խաղացել ուշ միջնադարի հայ իրականության մեջ, սակայն մելիքության պատմության շատ հարցեր առայժմ անբավարար են լուսարանված: Աղբյուրաբանական ՍՍՀ Շահումյանի շրջանի Գյուլիստան գյուղում և նրա շրջակայքում պահպանված վիճազրական նյութերն այդ տեսակետից կարևոր տվյալներ են ներկայացնում և կարող են նպաստ բերել անցյալի որոշ իրողությունների լուսարանմանը:

Գյուլիստանի ուշ միջնադարյան տիրապետողների տոհմային գերեզմանոցները մի քանի վայրերում են գտնվում: Գյուղից քիչ հեռու, Հոռեկա վանքի (ԼՂԻՄ, Մարդակերտի շրջան, Թալիշ գյուղ) գլխավոր եկեղեցու արևմտյան պատի տակի մի խոշոր, անգարդ գերեզմանաքար տեղեկացնում է\*:

**ԱՅՍ Է ՀԱՆԳԻՄՍ ԻՍԱՅ[Խ]ԱՆ ԱՂԻՆ  
ՍԱ ԷՐ ՈՐԴԻ ՄԵԼԻՔ ՊԵԿԼԱՐԻՆ ԹՎ. ՌՄ**

Իսախան աղայի անունը, ինչպես և նրա մելիքական ծագումը, ճշտվում է նրա կողակցի տապանազրի միջոցով, որը գտնվում է առաջինի մոտ:

**ԱՅՍ Է ՏԱՊԱՆ ՄԱՐԵԱՆԻՆ ՈՐ Է՛  
ԿՈՂԱԿԻՑ ԻՍԱ[Խ]ԱՆ... ՄԵԼԻՔ՝...**

Նշված վայրի համար սրանք մելիքական հիշատակությամբ հնագույն վիճազրերն են: Մյուսների վրա, որ շքեղ հուշարձաններ են, տեղեկություններ կան Մելիք-Բեգլարյանների միայն շառավիղների մասին (XIX դ.): Այսպես, օրինակ.

ա) «Գնդապետ Շամիրխան Փրիդոնեան Մելիք Բեգլարեան ի ցեղէն տիրապետող մելիքաց Գուլիստանի հանգեալ ի տէր 30-ն օգոստոսի 1850 ամի ի ծն. 60-ամեայ հասակի»:


բ) «Գնդապետ Թեյմուրազ Փրեդոնեան Մելիք Բեգլարեանց յաղնուական ցեղէն տիրապետող մելիքաց Գուլիստանի հանգեալ ի տէր 18 մարտի 1878 ամի ի ծննդենէ 75 ամաց հասակի» և այլն:

Գյուլիստան գյուղի եկեղեցու բակի գերեզմանոցի կենտրոնական մասը զբաղեցնում են Մելիք-Բեգլարյանների տապանաքարերը: Հնդ որում, մի քանի քարերի վրա պարզ ընթեռնելի է Բեգլար (Պեկլար) անունը՝ առանց մելիքական կոչման, իսկ համեմատաբար նոր կողմում, դարձյալ մելիքներ շին, այլ նրանց շառավիղները, բայց ուշագրավ տեղեկություններ են պարունակում մելիքների վերաբերյալ: Գերեզմանաշարքի հնագույն կողմում առաջին խոշոր ու գեղեցիկ շիրմաքարը ունի հետևյալ մաշված գրությունը.


**ԱՅՍ Է ՏԱՊԱՆ ՊԵԿԼԱՐԱՆԾ՝.....||.....||ՌՃԿԷ**

\* Շնորհակալությամբ նշենք, որ հուշարձանների լուսանկարները սիրով մեզ է տրամադրել Գյուլիստանի բնակիչ Անատոլի Մակյանը:

1 Մ. Բարխուտարյանցը գրում է, որ Հոռեկի գերեզմանոցում «փայլուն տեղ գրաված են Մելիք Բեկլարյանց բարեհամբավ տոհմի շիրիմներն յուրյանց գեղեցիկ արձաններով և երկար արձանագրություններով» (Մ. Բարխուտարյանց, Արցախ, Բագու, 1895, էջ 229), սակայն լի նշում դրանցից և ոչ մեկի տեքստը, չնայած այլ տեղերում բերում է նույնիսկ երկրորդական փաստերու Այս հանգամանքը ենթադրել է տալիս, որ խոսքը, թերևս, մելիքական շառավիղների վերաբերյալ հուշարձանների մասին է:



Նկ. 1.



Նկ. 2.



Այստեղ թվականը (ՌՃԿԷ) հստակ չի երևում, բայց այն համոզիչ է թվում, քանի որ նույն պատի տակ գտնվող Գրիգոր Տանտուբրի տապանաքարը ևս մտապնդրապես նույն տարիքն ունի.

ԱՅՍ է ՏԱՊԱՆ ԳՐԻԳՈՐ ՏԱՆՈՒՏԵՐ || [ՈՐ ՊԱ]ՏՃԱՌ ԵՂԵԻ ՇԻՆՈՒԹԵԱՆ || ....ՌՃԿԲ

Երկրորդ քարի տեքստը շնչված է, բայց պարզ երևում է թվականը՝ «ՌՄ»։ Երրորդ քարի վրա պարզ կարդացվում է.

ԱՅՍ է ԴԱՂԱՆ ԲԷԼԱՐԱՅ ԳԻ ||  
ՐԻՔՈՐԻ || ՈՐԻԻ ԲԷԼԱՐԱՆ || ԹՎԻՆ ՌՄԱ

Մեր ձեռքի տակ եղած նյութերի անբավարարության հետևանքով դժվարանում ենք ասել, թե ինչու 1718 և 1752 թթ. Բեզլարյաններն այստեղ հիշվում են առանց մելիթական կոմսան։ Եթե առաջին դեպքում կարելի է ենթադրել, թե՛ 1718 թ. նրանք չէին տեղի մելիթը, ապա 1752 թ. առումով նույնը ենթադրել չենք կարող, քանի որ հենց Հոռեկից բերված առաջին արձանագրությունը 1751 թ. համար նշում է՝ «Մելիթ Պեկլար»։

Գերեզմանոցի համեմատաբար նոր մասում (դարձյալ կենտրոնում), Մելիթ-Բեզլարյանների շառավիղների պատկանելի շիրմաքարերը (նկ. 1, 2, 3) տեղեկացնում են.

ա) ԱՅՍ է ՏԱՊԱՆ ԲԷԳԼԱՐ ԲԷԳԻՆ, ՈՐ է ՈՐԻԻ ՄԵԼԻԹ  
ՓՐԻԴՈՆԻՆ, || ԹՈՌՆ ՔԱՋ ՄԷԼԻԹ ԲԷԳԼԱՐԻՆ, ՀԱՅՈՑ ԻՇԽԱՆ  
ՂԱՐԱՐԱՂԻՆ, || ՏԱՐԱՊԵՏՈՂ ԳՈՒՆՈՒՍՏԱՆԻՆ, ԾՆԵԱԼ Է ՅԱՄԻ  
1809-ԻՆ || ՍԵՊՏԵՄԲԵՐԻ ԱՌԱՋԻՆԻՆ. ՎԱԽՃԱՆԵԱԼ Է 1874 ԹԻՒՆ  
ՄԱՐՏ ԱՄՍԻ 8-ԻՆ

բ) ԱՅՍԵՆՂ ՀԱՆԳՉՈՒՄ Է  
ԲԷԳԼԱՐ ԲԷԳ ՄԷԼԻԹ ԲԷԳ-  
ԼՍՐԵԱՆԻ ՈՐԻԻ ՊԱՏԱ  
ՆԻ ՓՐԻԴՈՆԻՆ.

Մ. Ի 1-ն ԱՊՐԻԼԻ 1856 ԱՄԻ  
+ Ի 20-ն ՄԱՐՏԻ 1878 ԱՄԻ.

դ) ԱՅՍ է ՏԱՊԱՆ ՋԻԻՄՇՈ  
ԻԴ ԲԷԳՆ Ի ՏՈՂՄԷՆ ՔԱՋ  
ԱՋՆ ՄԵԼԻԹԲԷԳԼԱՐԵԱՆՑ  
ԵԻ ԱՆԴՐԱՆԻԿ ՈՐԻԻ ԲԷԳ  
ԼԱՐԱԷԳ ....ՄՆԱՎ 1831 ԱՄԻ  
ԵԻ ՎԱ... 1866 .... ԲԵՐԻ  
6-ԻՆ

Ինչպես վկայում են վերը բերված վիճադրերը, Գյուլիստանի մելիթ Փրիդոնի որդիները եղել են բեզ կամ բարձրաստիճան ղինվորականներ (գնդապետ Շամիրիան, գնդապետ Թեյ-մուրադ)։ Սակայն դա չի նշանակում, թե մելիթությունն սպառվել է Փրիդոնով։ Հայտնի է, որ նրա անժամանակ մահից հետո (1808 թ.) Ղարաբաղի խանը Գյուլիստանի մելիթ է նշանակել Փրիդոնի ավագ որդուն՝ Հոմսիվիին։ Ի դեպ, նա, թերևս, միակն էր, որի մելիթական իրավունքները ճանաչվեցին ցարական իշխանությունների կողմից (1824 թ., սեփականատիրական մի վեճի առիթով)։

Հարկ է նշել, որ Բեզլար ընդհանուր թվականը՝ 1809 թ. սեպտեմբերի մեկ, կարող է որոշ կասկած հարոցել նրա հոր՝ մելիթ Փրիդոնի մահվան տարեթվի նկատմամբ (1808 թ.) կամ, ընդհակառակը, ճշտել, որ այդ մահը տեղի է ունեցել 1808 թ. նոյեմբերի վերջերին։

XVIII դ. 20-ական թվականների հալ ազատագրական շարժումների նշանավոր դեմքերից էր Աբրահամ Սպարապետը։ Վերջինիս զինավորած ջոկատը ազատագրական շարժման ան-

2 «Акты Кавказского археографического общества», т. VI, ч. I, Тифлис, 1874, § 1320.



ἡ4. 3.



ἡ4. 4.



կումից հետո էլ ոչ միայն Գյուլիստանի մելիքության սահմաններն է պատնեղել օսմանցիների առջև, այլև հաճախակի ու հանդուգն հարձակումներով տագնապի մեջ էր պահում թուրք նվաճողներին: Ինչպես վկայում է 1729—1730 թթ. մի փաստաթուղթ. Աբրահամը ջանում էր նաև կապեր ստեղծել զանազան կողմերի հետ»:

Կանխազգալով այդ վտանգը, թուրքական սուլթանը հատուկ հրովարտակով հանձնարարում է Գանձակի կառավարիչ Իբրահիմ փաշային՝ ոչնչացնել Աբրահամին ու նրա ուսերը, նվ. ըստ երևույթին, չվստահելով Իբրահիմ փաշայի զորութայնը. Շաքիի և այլ նահանգների կառավարիչներին կարգադրում է՝ օժանդակել նրան:

Ինչ ճակատագիր է ունենում ըմբոստ հայրենասերը՝ հայտնի չէ: Արդյո՞ք նվաճողները կարողանում են համատեղ ջանքերով ընկճել նրան: Այս, ինչպես և Աբրահամի կոնկրետ անձնավորությունը որոշ հարցերում պարզություն չկա:

Աբրահամին ընկճելու, Գյուլիստանի մելիքությունն իրենց գերիշխանության տակ գցելու դեպքում թուրքերը, անկասկած, դատաստան կտեսնեին Սպարապետի (կամ, ինչպես նրանք անվանում էին՝ գյուր Աբրահամի), թերևս, նաև նրա տոհմի հետ: Սակայն պահպանված որոշ նյութեր թույլ են են տալիս ենթադրել, որ թուրքերին այդ չի հաջողվել: Գյուլիստանի մոտ գտնվող Ամենափրկիչ անապատի առջև մինչև 1930-ական թվականները կանգուն էր Աբրահամի մարմարե խոշոր գերեզմանաքարը, մի երեսին՝ զինավառ հեծյալների, մյուս կողմին՝ խնուրթի ձոխ տեսարանի քանդակներով ու արձանագրություններով: Այսինքն՝ նա թաղվել է հայրենի գյուղում, պատվավոր ձևով և հիշատակն էլ շքեղորեն հավերժացվել է:

Նրա սերունդները նույնպես եղել են իշխողներ: Գյուղում ևս այսօր կանգուն և բնակելի է նրա որդու կառուցած ապարանքը, որի շինարարական արձանագրությունը (սենյակներից մեկի մոտքի ճակատաքարին) հայտնում է (նկ. 4).

ՇՆՈՐՀԻԻՆ ԱՅ ՇԻՆ||ԵՑԱԻ ԱՊՍՐԱՆՍ||  
Ի ԹՎԻՆ Ռ ԵԻ||ՄԱ ԵՍ ՅԱԿՈՐՈՍ ՄԱՌԱՅ  
ԻՇ||ՆՕՂ ԳԵՂՈՅՍ ՈՐԳԻ ԱՐՐԱ||ՀԱՄ  
ՍՊԱՐԱՊԵՏԻՅԵ

Իշխող է եղել Աբրահամ Սպարապետի ոչ միայն որդին, այլև թուրք՝ Հաթամ Յուզրաշին, որի քաղաքործությունների մասին հիշողությունները գյուլիստանցիների մոտ դեռ թարմ են: Վերոհիշյալ ապարանքն էլ հայտնի է ոչ թե կառուցողի, այլ նրա արժանի որդու՝ Հաթամի անունով և կոչվում է «Հաթամանց պիլորատոն»:

Հաթամ Յուզրաշու գերեզմանաքարը ևս Աբրահամ Սպարապետի գերեզմանաքարի բախտին է արժանացել, բայց նրա անունը հիշատակված է իր թոռան շիրմաքարի վրա՝ Գյուլիստանի եկեղեցու մոտ.

ԱՅՍ Է ՏԱՊԱՆ ՍԵՓԻՆ ՈՐ Է ՈՐԳԻ  
ԱՐՐԱՀԱՄԻՆ ԻԻ ԹՈՌՆ ԷՐ ՀԱԹԱՄ  
ՈՒՋՐԱՇԻՆ ՎԵՃ 1888 ԱՄԻ

Տապանագրից երևում է, որ Հաթամ Յուզրաշու որդին Աբրահամ անունն է կրել (թերևս ի հիշատակ Աբրահամ Սպարապետի):

Գյուլիստանում և նրա շրջակայքում պահպանված պատմական շատ հուշարձաններ դեռևս կարոտ են ուսումնասիրության:

ԿԻՄ ՂԱՀՐԱՄԱՆՅԱՆ

3 «Армяно-русские отношения в XVIII веке», т. II, ч. II, Ереван, 1967, էջ 321.  
4 նույն տեղում, էջ 321—322.  
5 Այդ գերեզմանաքարը 1881 թ. իր ճանապարհորդության ժամանակ տեսել է Րաֆֆին (Ր ա ֆ ֆ ի, Երկրի ժողովածու, հ. 8, Երևան, 1963, էջ 588): Ըստ տարեց դյուլիստանցիների պատմածի՝ 1930-ական թվականներին այն շարժափոշուր են արել Սպարապետի շառավիղները՝ իբր նախապապի իշխանական հիշատակը ոչնչացնելու համար:  
6 Այս արձանագրությունը, որոշ աննշան շեղումներով, հրատարակված է նախկինում (Մ ա կ ար Բ ար խ ու տ ար յ ա ն ց, նշվ. աշխ., էջ 241):